



Број/Број: 01/4-50-1-4-62/10

Сарајево/Sarajevo, 3.3.2010. godine

## Z A P I S N I K

### **62. sjednice Komisije za finansije i budžet Predstavničkog doma Parlamentarne skupštine BiH** održane 2.3.2010., od 10 do 10,40 sati.

Sjednici Komisije prisustvovali su članovi: Sadik Bahtić, Lazar Prodanović, Velimir Jukić, Adem Huskić, Bajazit Jašarević, Savo Erić i Salko Sokolović.

Sjednici nisu prisustvovali Zlatko Lagumdžija i Drago Kalabić.

Sjednici su također prisustvovali: Amela Hasanbegović, šef odsjeka, i Sreten Čečar, šef odsjeka u Ministarstvu finansija i trezora BiH, Ćnita Fočo, direktor Agencije za javne nabavke BiH, Christian Haupt, direktor, Lada Mujkić, asistent, i Ivana Smiljanić, asistent za finansije i budžet pri projektu USAID PSP u BiH, Stewen Tweedy, savjetnik, i Larisa Lisica, prevodilac u okviru SPEM projekta, Zoran Brkić, viši stručni saradnik u Sektoru za odnose s javnošću, te Željko Kosmajac, sekretar, i Muhameda Humačkić, stručni saradnik pri ovoj komisiji.

Od predstavnika medija sjednici je prisustvovao Almir Terzić, novinar 'Oslobođenja'.

Za sjednicu je predložen sljedeći

### **DNEVNI RED**

1. Usvajanje Zapisnika 61. sjednice Komisije;
2. Razmatranje Prijedloga zakona o izmjeni Zakona o javnim nabavkama BiH – prva komisijska faza (predlagač: Ustavnopravna komisija Predstavničkog doma);
3. Tekuća pitanja:
  - Upoznavanje s Akcionim planom za preduzimanje korektivnih radnji prema preporukama iz revizorskog izvještaja Ureda za reviziju institucija BiH, koji se odnosi na Izvještaj o izvršenju Budžeta institucija BiH za 2008. godinu, zaprimljen 23.12.2009. (sačinilac: Ministarstvo finansija i trezora BiH);
  - Upoznavanje s aktivnostima BHRT-a na provođenju preporuka Ureda za reviziju institucija BiH definiranih u Izvještaju o reviziji BHRT-a za period od 1.1. do 31.12.2008., zaprimljen 28.1.2010. (podnosilac: Upravni odbor BHRT-a);
  - Upoznavanje s Prijedlogom projektnih aktivnosti USAID PSP u BiH s dinamikom realizacije u periodu od 1.2. do 1.10.2010., zaprimljen 17.2.2010.

Predloženi dnevni red jednoglasno je usvojen.

#### **Ad.1. Usvajanje Zapisnika 61. sjednice Komisije**

Zapisnik 61. sjednice jednoglasno je usvojen, bez primjedbi.

## **Ad.2. Razmatranje Prijedloga zakona o izmjeni Zakona o javnim nabavkama BiH – prva komisijska faza (predlagač: Ustavnopravna komisija Predstavničkog doma)**

### **Prva komisijska faza**

Predsjedavajući Komisije konstatirao je da je Ustavnopravna komisija Predstavničkog doma Parlamentarne skupštine BiH, 16.2.2010., dostavila Predstavničkom domu Parlamentarne skupštine BiH Prijedlog zakona na razmatranje po redovnoj proceduri.

Kako predstavnik predlagača zakona nije prisustvovao sjednici, kratko obrazloženje Prijedloga zakona dala je Ćinita Fočo, direktorica Agencije za javne nabavke BiH.

Zatim je predsjedavajući otvorio raspravu o principima Prijedloga zakona i neophodnosti njegovog donošenja.

U raspravi niko od prisutnih nije učestvovao.

### **Izjašnjavanje o principima Prijedloga zakona**

Komisija je jednoglasno prihvatila principe Prijedloga zakona o izmjeni Zakona o javnim nabavkama BiH, te ponuđeni tekst Prijedloga zakona uputila u daljnju zakonodavnu proceduru.

## **Ad.3. Tekuća pitanja**

- **Upoznavanje s Akcionim planom za preduzimanje korektivnih radnji prema preporukama iz revizorskog izvještaja Ureda za reviziju institucija BiH, koji se odnosi na Izvještaj o izvršenju Budžeta institucija BiH za 2008. godinu, zaprimljen 23.12.2009. (sačinilac: Ministarstvo finansija i trezora BiH)**

Nakon što je Amela Hasanbegović, šefa odsjeka u Ministarstvu finansija i trezora BiH, kratko obrazložila ovu podtačku dnevnog reda, predsjedavajući je konstatirao da je predmetni materijal Komisija, bez rasprave, primila k znanju.

- **Upoznavanje s aktivnostima BHRT-a na provođenju preporuka Ureda za reviziju institucija BiH definiranih u Izvještaju o reviziji BHRT-a za period od 1.1. do 31.12.2008., zaprimljen 28.1.2010. (podnosilac: Upravni odbor BHRT-a)**

Nakon navoda da sjednici nije prisutan predstavnik BHRT-a, predsjedavajući je konstatirao da je materijal i ove podtačke dnevnog reda Komisija, bez rasprave, primila k znanju.

- **Upoznavanje s Prijedlogom projektnih aktivnosti USAID PSP u BiH s dinamikom realizacije u periodu od 1.2. do 1.10.2010., zaprimljen 17.2.2010.**

Kraće obrazloženje ove podtačke dao je Christian Haupt, direktor Projekta USAID PSP u BiH.

Predsjedavajući je otvorio raspravu o ovoj podtački.

U raspravi su učestvovali: članovi Sadik Bahtić, Adem Huskić, Lazar Prodanović, Savo Erić, Velimir Jukić, Salko Sokolović, Bajazit Jašarević, te Christian Haupt, direktor Projekta USAID PSP u BiH, i Stewen Tweedy, savjetnik SPEM projekta.

Nakon rasprave, predsjedavajući Komisije konstatirao je da je materijal i ove podtačke Komisija primila k znanju, te se zahvalio na dosadašnjoj uspješnoj saradnji.

Također tragom rasprave, a na osnovu prošlogodišnjeg Plana Komisije za razmatranje revizorskih izvještaja o finansijskom poslovanju institucija BiH za 2008., članovi Komisije

usaglasili su se da se pres-konferencija, povodom okončanog revizorskog procesa u 2009. godini, održi 11.3.2010. u 12 sati, kada će biti prezentiran dosadašnji rad i ostvareni rezultati rada Komisije.

**Sekretar Komisije**  
Željko Kosmajac

**Predsjedavajući Komisije**  
mr. ecc.sc. Sadik Bahtić